

JHEP adakan Bengkel Pementasan Teater 'Asas Stand Up Comedy'

UB 11.4.2019 B2

KOTA KINABALU: Jabatan Hal Ehwal Pelajar (JHEP), Universiti Malaysia Sabah (UMS) melalui Bahagian Kebudayaan dan Kesenian telah menganjurkan Program Bengkel Pementasan Teater 'Asas Stand Up Comedy' pada 6 April lalu Dewan Mini Karisma, Kolej Kediaman Tun Mustapha, UMS.


Penyelaras program bengkel ini adalah Resty Cindy Ony Madis.

Bengkel ini pertama kali dianjurkan oleh Bahagian Kebudayaan dan Kesenian, JHEP yang bertujuan membantu pelajar-pelajar yang berbakat dalam bidang lakonan/komedi untuk diketengahkan lagi bakat mereka ke peringkat yang lebih tinggi.

Bengkel ini juga bertujuan memberi ilmu dan perkongsian pengalaman fasilitator hebat dalam bidang seni lakonan komedi untuk membantu pelajar-pelajar lebih memahami dan mengetahui bagaimana menjadi seorang pelakon yang berilmu dan bidang ini juga boleh dijadikan sebagai kerja sampingan peserta untuk mencari kewangan.

Seramai 30 orang peserta pelajar UMS induk dan UMS Lestari Sandakan, 10 pelajar Cosmopoint dan dua peserta awam yang menyertai bengkel itu.

Fasilitator jemputan adalah Yusuf@Ucup The Commivator dan Sumarli and The Puppet yang juga komedian yang berpengetahuan dalam bidang stand up komedi.



UCUP menerima cendera ngan dari pihak JHEP UMS.

Pihak penganjur berharap kolej-kolej kediaman dan Jakmas kolej akan terus menyokong dan menyertai program-program yang akan dianjurkan oleh Bahagian Kebudayaan dan Kesenian pada masa akan datang.

Bengkel ini akan diteruskan lagi pada semester hadapan dan berharap akan ada penglibatan dari UMS-KAL dan juga Kolej Kediaman Kingfisher.

Harapan dari pihak Bahagian Kebudayaan dan Kesenian akan membantu siswa/siswi UMS, semoga akan lahir pelakon-pelakon yang berbakat kalangan siswa/siswi UMS untuk terus berkembang dan maju dalam bidang ini.